


大清會典

鴻臚寺



大清會典卷之

鴻臚寺



卿滿漢各一人少卿滿漢各一人掌朝祭賓客
燕饗之儀○鳴贊滿十有六人漢二人掌導引
行禮唱贊○序班漢四人掌叙百官之班位○
主簿滿漢各一人掌文移○筆帖式滿四人掌
繙譯

凡常朝

御殿豫期由寺奏請得

旨傳知王公百官屆期疏謝

大清會典
恩官姓名陳於

殿內東案。

凡糾察文武各官有失誤朝賀及行禮失儀者由寺題叅外任官員辭朝踰期叅劾亦如之凡習儀新進士傳臚習儀於禮部外國貢使入朝習儀於本寺均委鳴贊序班教以升降拜跪之儀。

凡贊相禮儀。

皇帝詣

皇太后宮行禮宮門檐下鳴贊四人階下引王公。

長信門外引二品以上官鳴贊各二人。

午門外引三品以下官鳴贊序班各二人自

永康左門至

午門傳示行禮鳴贊序班七人恭遇

皇太后聖壽大慶贊宣表加止

徽號贊宣

冊寶○

皇帝大朝御殿

中和殿引執事各官行禮鳴贊二人

太和殿檐下鳴贊四人丹陛上引王公卿二人鳴

贊二人丹墀內引百官。鳴贊序班各二人。引外國貢使。每國鳴贊二人。

賜茶。引王公入殿。卿二人。

太和殿大燕。殿檐下。鳴贊四人。丹陛上。引王公卿二人。鳴贊二人。引大臣。鳴贊二人。丹墀內。引百官。鳴贊序班四人。

保和殿大燕。殿檐下。鳴贊四人。丹陛上。引蒙古王公。額駙。鳴贊二人。○恭遇

慶典

頒詔。引百官跪聽行禮。鳴贊序班各二人。○常朝

御殿請

駕導

駕卿少卿二人。鳴贊二人。○

冊立遣使傳

制官一人。引正副使受節行禮。鳴贊一人。○

臨雍。進講經書。引王公大臣。入彛倫堂。春秋

經筵。引講官。侍班官。入

文華殿。卿少卿各二人。出亦如之。進講行禮。鳴

贊四人。○恭進

實錄

玉牒前引。卿二人○

臨軒策士。隨禮部請

駕。卿二人○

殿檐下。鳴贊二人。引讀卷官及諸進士行禮。鳴贊各二人。傳臚請

駕。卿二人○

殿檐下。鳴贊二人。引讀卷執事官行禮。鳴贊二人

宣

制臚唱三傳。鳴贊三人。引一甲進士出班行禮。鳴贊三人。引諸進士行禮。鳴贊二人○

耕藉進耒耜。進鞭。鳴贊四人。引從耕三王九卿。鳴贊序班十有二人。引順天府官屬及老農行禮。鳴贊序班各二人。贊禮。鳴贊四人○

頒朔宣

制官一人。贊禮。鳴贊四人。引王公百官行禮。鳴贊序班各二人○

頒賞。

錫燕。

賜茶謝

恩辭朝。進書。進表。齋榜。受

勅印。救護日月食。各官行禮。引班唱贊。均鳴贊各二人。

壇

廟祭祀。引陪祀王公百官。鳴贊各二人。

堂子行禮。卿二人。贊禮鳴贊二人。引王公大臣。鳴贊各

二人。拜

燾。贊禮鳴贊四人。引王公。鳴贊二人。引大將軍。從

征將士。鳴贊二人。

凡

巡狩方嶽。豫期奏請。行知守土官。朝服。於道右百步

外跪迎。

回鑾時。跪送亦如之。

凡簡選鳴贊序班。滿鳴贊。由寺於八旗內選擇。

引

見補授漢序班。於直隸生員。在寺學習者。選取漢鳴

贊。由序班遞升。咨送吏部題補。



